

شعارات الجزء الثامن والعشرين | الحلقة (82) | #إني_أنست_نوراً | الموسم 10 | د. حازم شومان

حازم شومان

سلام عليكم ورحمة الله وبركاته. اخواني واخواتي في الله شعراتي القرآنية وبصمات النور القرآنية من الجزء الثمانية وعشرين. والله يسمع تحاور النبي عليه الصلاة والسلام ده النبي. وكمان قائد الدولة ودي امرأة غلبانة فقيرة عندها مشكلة اجتماعية بينها وبين زوجها. وربنا بيقول والله يسمع - [00:00:17](#)

تحاوركما في لغة حوار. النبي سمح ان يبقى فيه لغة حوار بينه وبين امرأة عادية بسيطة. حاكم الدولة لغة الحوار. لغة الحوار يا جماعة من اسرار ومفاتيح التربية الاجتماعية والسعادة المجتمعية. ان الراجل ينشئ لغة حوار بينه وبين مراته. وفي الاخر هو اللي بيحصل. ولكن فيه لغة حوار. لغة حوار - [00:00:37](#)

لغة الحوار دي كلمة سحرية لحل مشاكل رهيبة في الحياة. ان احنا نقبل لغة الحوار. ما حدش يتكبر ان اللي قدامه يحاوره وينتقد ويراجعوا ليه؟ هو انت استغفر الله العظيم انت اله؟ يعني شغل الناس اللي بتتعامل انهم الهة في الارض. ما حدش يتكلم معي. ما حدش يراجعني. ليه؟ عشان ايه؟ لا - [00:00:57](#)

زي بالزبط المنافقين لما قالوا للنبي هو اذن. يعني والعياذ بالله يعني لما واحد يكون ودان الكلام اللي يسمعه يصدق. هو واحد جه قال لك كلمتين عننا تصدقوا يا رسول الله - [00:01:17](#)

هم اتجننوا ليه؟ وقلبوا على النبي عليه الصلاة والسلام نفسه ليه؟ مش مستحلمين ان حد ينتقدهم. دي من صفات المنافقين. رفض لغة الحوار دي من صفات الانسان المنافق - [00:01:27](#)

الله يسمع تحاوركما سنة من سنن النبي عليه الصلاة والسلام. ويا سلام ان اول لقطة واول مشهد في الجزء الثمانية وعشرين ان المربي قاعد بيحل مشكلة اسرية بين زوج وزوجة. اه لو الدعاء ينزلوا للحياة المجتمعية للملتزمين والملتزمات. وينزلوا زي بداية الجزء التلاتين عم يتسائلون - [00:01:37](#)

عن النبأ العظيم الداعية نازل في الشارع وبيتكلم عن ربنا. لما الدعاء ينزلوا لمشاكل حياة الملتزمين والملتزمات. ولما الدعاء ينزله للناس في الشوارع يكلموهم عن ربنا ساعتها والله يا جماعة الدنيا مش هتبقى زي ما هي دلوقتي. خالص - [00:01:57](#)

ثم يعودون لما قالوا. ربنا بيقول والذين يظاهرون من نسائهم. واحد غلطان وارتكب جريمة. وجه مع مراته بقسوة وفضاظة ومقاييس فاسدة وقال لها انت علي كظهر امي ثم يعودون لما قالوا. يعني رجع بقى لنفسه - [00:02:13](#)

رجع للي هو قاله وبدأ يحاسب نفسه عليه تاني وبدأ يكتشف الخطأ في الكلام اللي هو قاله تاني. برضو مفهوم تاني راقى جدا. غير مفهوم تحاوركما ولغة الحوار. مفهوم ان الانسان - [00:02:30](#)

عنده نقد ذات الافعال وسلوكه. انا خلاص مش عملت الحاجة ومصمم على اللي انا عملته. ثم يعودون لما قالوا. دايمًا افتكر كلامك. ودايمًا عيد اعمل واعمل تاني اعادة لكلامك وافتكر ايه اللي انت قلتها وايه الغلط وخلي عندك جرأة التصحيح وجرأة الاعتراف بالخطأ مبدأ تاني جبار - [00:02:40](#)

في سورة سبحان الله المجادلة. الناس بتجادل كثير. والجدل لما بينتشر بيبقى الانسان محتاج انه يقف مع كلامه. وانه يقبل الحوار والرأي والرأي الاخر فمن لم يجد فصيام شهرين متتابعين - [00:03:00](#)

يعني عقوبة تنكيلية باللي قال لمراته انت علي كظهر امي. يعني حرم الحلال مراته حلال. هي مراته ما لهاش اعتبار يبقى احرم الحلال. طب الشهرين المتتابعين دول مش نفس العقوبة بتاعة اللي جامع مراته في نهار رمضان؟ برضو اللي استحل الحرام. يبقى تحريم - [00:03:15](#)

حلال جريمة عند الله. لا تقل عن تحليل تحليل الحرام. عشان كده ده بداية الجزء التمانية وعشرين ان ربنا بيعاقب اللي جه في الحلال وحرمة. ودي نفس نهاية الجزء التمانية وعشرين. يا ايها النبي لما تحرم ما احل الله لك. يبقى اذا التشدد مصيبة زي - [00:03:35](#) بالزبط زي ما التسبب مصيبة والانسان المتسبب اللي عايز الحرام يبقى حلال مصيبة. كذلك المتشدد بيكره الناس في الدين. ده اكبر سلاح في ايد ابليس عايز الحلال يبقى حرام. اللي عايز يشد الدنيا اللي متشدد. عشان كده هم عقلية واحدة. هو نفس الحول الفكري. بس المتسبب - [00:03:55](#)

خاف على الناس لحد ما ضيع الدين. فقال لهم كل حاجة حلال عشان الناس ما تسبش الدين. والمتشدد خاف على الدين لحد ما ضيع هم اللاتنين عندهم حول فكري وهم اللاتنين عقلية مرفوضة - [00:04:16](#)

ان الذين يحادون الله ورسوله كبتوا. سبحان الله! ربنا قال في القرآن ان فيه عدوين للدين. يحدون الله ويشقون الله وشقون دايمًا بتيجي مع العدو اللي بيني وبينه معركة وجود زي اليهود. في الصورة اللي بعدها اللي هي الحشر. شقوا الله ورسوله. ليه؟ انا في شق وانت في شق. يا انا يا انت - [00:04:32](#)

ياما كمل يا انت تكمل لازم واحد مننا يوسع للثاني مش هينفع نعيش مع بعض في الدنيا. امال يا حدون يا حدون لأ ده مش معركة وجود، ده معركة حدود. ده زي العلمانيين الوقتي والتوك شو؟ هو مش مشكلته ان ما ييقاش فيه متدينين في المجتمع - [00:04:52](#) هو مشكلته انه المتدين ما يكلمنيش عن الحرام والحلال وما لوش دعوة اتحجبنا ولا لأ. وما لوش دعوة البنات آآ عرايا ولا لابسين وما لوش دعوة الشريعة محكمة ولا لأ وما لوش دعوة - [00:05:06](#)

في نايك كلييات ولا لأ؟ ما لوش دعوة. انما موجود موجود يا باشا اتفضل واعبد ربنا ليل نهار ورح عمرة وصل وصم. بس الدين لحد باب الجامع وما يخرجش - [00:05:16](#)

اصل الدين عن الحياة. يعني الدين ياك قاطع رجله. لو الدين خبطه برجليه برة الجامع زي فعقروها كده. لما قطعوا رجليها قبل ما يدبحوها. الدين يعقر. الدين هو الجامع بس. فالمنافقين او العلمانيين مشكلتهم معركة حدود. ان الذين يحادون الله ورسوله. طب ايه مشكلتهم في معركة الحدود؟ الدين هيعمل لنا - [00:05:26](#)

الدين هيكبتنا الدين هتجيبني آآ اعمل ما تعملش. حرام تكلموا سنتات. حرام الستات يبقى لهم اصحاب بعد الجواز. عشان كده ربنا اتكلم عن العلمانيين دول قال ان الذين يحدون الله ورسوله كبتوا جزاء من جنس العمل. هم فاكرين ان حدود ربنا كبت - [00:05:46](#) فلما حاربوا حدود ربنا ربنا كبتهم ويجي لهم الكبت والامراض النفسية كبتوا وربنا يكبتهم ويقهر قلوبهم زي ما كانوا بيزنوا في الدين الكبت عشان كده في الاخر وللكاشرين عذاب ايه؟ مهين لانه يعني والعياذ بالله ما احترامش حدود الدين. فربنا يهينه دنيا قبل - [00:06:06](#)

تفسحوا في المجالس اذا قيل لكم تفسحوا في المجالس. فافسحوا يفسح الله لكم. تفسحوا في المجالس. دي لما كان بقى ايه؟ مجلس النبي عليه الصلاة والسلام. خدوا الدعوة العامة انا ما اعرفش انها ذكرت في القرآن غير مرتين. دروس الفضائيات وخطب الجمعة انا لا اعلم انها ذكرت في القرآن غير مرتين. المرة الاولانية تفسحوا في المجالس الدرس - [00:06:26](#)

بتاع النبي عليه الصلاة والسلام لما الدين زاد. وحصل اقبال عليه. والمرة الثانية اذا نودي للصلاة من يوم الجمعة. خطبة الجمعة. كل القرآن الباقي الستمت صفحة بيتكلموا عن الدعوة الميدانية. نزول الداعية في الشوارع للناس. يبقى اللي عايز يقتضي بالانبياء ويبقى مع الانبياء في الجنة. يا دعاة الى الله وانا اول واحد بكلم نفسي ينزل - [00:06:47](#)

الناس ينزل يدعو الناس الى الله في اماكنهم وبيوتهم واسواقهم ونواديتهم ومقاهيهم ونايت كلباتهم ينزل للناس. الدعوة العامة دي حاجة بتيجي احيانا. انما معزم الوقت بيبقى اهل الباطل مانعينا اصلا مش مخليين اهل الدعوة يتكلموا زي ما هم عايزين. يبقى

الاصل في الدعوة هي الدعوة الميدانية - [00:07:07](#)

الناس تفسحوا في المجالس دي بقى مجلس النبي عليه الصلاة والسلام بدأ يزيد. فييجي ناس عايزة تقعد وفي ناس عايزة ايه ترحح لأوسع لاخوك خد اخوك جنبك في مجلس العلم ومجلس الدين. خد اخوك جنبك في الحياة - [00:07:27](#)

خدي اختك جنبك في كل حاجة. ساعة اخوك في الحياة. افرح ان اخوك جنبك يفسح الله لكم. ربنا يوسع عليك. كل ما تساع لاخوك ربنا يوسع عليك سبحانه وتعالى واذا وبرضه تفسحوا في المجالس لما كان بقى بدأ ييجي دايم كده يعني الواحد يلاحظها في الدرس بتاعه لما يبقى الدرس موجود ان دايم ييجي الشباب الصغنين بقى اللي ايه - [00:07:41](#)

اللي فاضيين ييجي من قبل الدرس بمدة فياخذ الاماكن القدمانية فييجي الناس بقى الكبار والكوادر الثقيلة فعائز يقعد يلاقي المكان اتزحم لأوعوا انسوا مقامي القديم. خلوا فيه مكان للقديم. القديم ده دايم عنده اشغال دعوية واشغال كبيرة. مش زي الشاب الصغير الفاضي اللي بيعرف ييجي بدري. وعنده لسه - [00:08:01](#)

لازم نحترم المقامات. لما واحد قديم يدخل في بيئة الايمان ياخذ مكانه. لما واحد قديم يدخل في العمل لدين الله ياخذ مكانه. يبقى ايه احترام المقامات والمقامات غير المواقع بالمناسبة. المواقع اسامة ابن زيد النبي خلاه امير على ابو بكر وعمر. وعنده سبعتاشر سنة. ده المواقع. عادي ان الصغير يمسك الكبير دي بالاهلية. دي بالخبرة - [00:08:21](#)

دي انما المقامات تحترم. الكبير مدى الحياة يفضل كبير الكبير مدى الحياة يفضل محترم واذا قيل انشزوا فانشزوا. النشوز هو الارتفاع. عشان كده المرأة الناشز اللي علت على انها تسمع امر جوزها. طيب انشزوا مش الارتفاع ده ان انا ان حضرت مجال -

[00:08:44](#)

لأيا حبيبي سماع الدروس والمقاطع الدينية وحضور الدروس مش ده اللي هيعليك امال ايه هيعليني تطبيق الكلام بعدها. عشان كده ربنا قال تفسحه في المجالس. طب بعد التفسح روحوا طبقوا بقى انشزوا. انشزوا اعلاوا بقى. يبقى انت مش هتعلى ولا هتتطور لما تسمع - [00:09:02](#)

انت هتعلى وتتطور لما تطبق دين. يرفع الله الذين امنوا والذين اؤمنوا منكم والذين اوتوا العلم درجات. يرفعهم في ايه؟ ربنا ما قلش اللي بيطلب علم واللي بيحصل الايمان واللي عنده وقفات مجاهدة وكثير العبادة واللي بيحافظ على اوراد عبادته. واللي بيطلب العلم ويبطلب التفسير والحديث. ده ربنا - [00:09:20](#)

هيرفعوا هيرفعوا في الدنيا اه هيرفعوا في الفهم اه هيرفعوا في اليقين اه هيرفعوا في الفردوس الاعلى؟ اه هيرفعوا في المقام عند الله؟ اه. هيرفعوا في الذكر في السماوات اه - [00:09:40](#)

ما فيش متعلق مش موجود. يرفع في ايه؟ في كل حاجة. لا تجد قوما يؤمنون بالله واليوم الاخر يوادون من حاد الله اللي بينه وبين ربنا معركة حدود ده زي العلمانيين ما ينفعش يبقى بينا وبينه ود. اللي بيحارب حدود ربنا ويحارب الحلال والحرام ينفع يبقى مدعو. ينفع - [00:09:50](#)

ان يبقى بينا ود وحب ما ينفعش. لان ده اللي بيحارب ربنا ما ينفعش يبقى حبيبك. لان حبيب حبيبي وعدو حبيبي عدوي هو هو ده الولاء والبراء وظنوا انهم مانعتهم حصونهم هو دي مصيبة الانسان. انه دايم يتضرب بالاسباب. والاسباب ما تسعفوش وبرضه لسه مصدق الاسباب - [00:10:09](#)

مش يقينه في الله ظنوا انهم مانعتهم حصونهم من الله فاتاهم الله. ربنا بيحارب معنا في ارض المعركة ربنا معنا ربنا معنا. الله يسبق الصفوف الله سبحانه وتعالى وما رميت اذ رميت ولكن الله رمى. بس لو احنا اهل دين حقيقيين. ده حق وحقيقي. يحبون من هاجر - [00:10:32](#)

واليه جميل قوي ان اول كلمة في العلاقة بين المؤمنين يحبون. البداية حب بعد لما جه الحب من هاجر اليهم وهو جاي بقى يشاركني في الاكل يشاركني في المكان يشارك اه ما دام حب اتعلمت من مشايخي ان المكان الضيق - [00:10:53](#)
الف صديق المكان المكان الضيق يساع الف واحد ما دام بيحبوا بعض ربنا اغفر لنا ولاخواننا الذين سبقونا بالايمان. عمرنا ما هنكمل

مع بعض الا لو اتعلمنا الاية دي. اغفر لنا يبقى انا دايمًا باصص - [00:11:09](#)

لتقصيري وغيوبي ولاخواننا الذين سبقونا يبقى انا دايمًا باصص لمزايا اخويا وسابقه وبالايامن القيمة الحقيقية للايمان ممكن تبقى انت داعية وفيه شيخ من الشيوخ مش مشهور خالص ولكن هو اعلى منك. انت عارف انه اعلى منك عيب. واعلى منك ايمان اتكسر له. اوعى تقهر الناس بشهرتك. اوعى تقهر الناس - [00:11:25](#)

لانك انت لك قبول مجتمعي اكثر منهم او اغنى منهم او عندك كرسي اتق الله. ضاع نفسك حيث وضعك الله. ما تضعش نفسك حيس وضعك الناس اتكسر لشيوخك اتكسر لاخوانك اللي انت عارف ان هم اعلم منك. واشد اجتهاد في العبادة منك. خد مكانك اوعى تاخذ مكان مش مكانك. مش اللي - [00:11:45](#)

احضر له خمسمية يساوي خمسمية. واللي بيحضر له اتنين يساوي اتنين. لا يا جماعة دي مقاييس اهل الدنيا. احنا مقاييسنا دينية. يبقى عشان نكمل مع بعض لازم تبص اغفر لنا وتبص لمزايا اخوك ولاخواننا الذين سبقونا - [00:12:06](#)

تحسبهم جميعا وقلوبهم شتى. ذلك بانهم قوم لا يعقلون. يبقى لما يكون منزلنا بنحب بعض بس حقيقة احنا اشتات متفرقين. يبقى احنا عندنا مشكلة في عقلنا لا يعقلون. ربنا ما قلش لا يؤمنون لا يتقون لا يوقنون. قال لا يعقلون. اللي مش عارف قيمة اخوه بيحط ايده في ايد اخوه ده بني ادم مجنون - [00:12:20](#)

مش عاقل اصلا. كمثل الشيطان قال للانسان اكفر فلما كفر. هو هو عيل صغير الشيطان بيلعب له كرة اكفر كفر ابو رصيصة الايادي نازلة بورصيصة. اللي قعد سبعين سنة يعبد ربنا على الصومعة لوحده. ولما الشيطان حاول يضيعه الشيطان موته ساجد لابليس - [00:12:40](#)

والعياذ بالله بعد ما زنا وقتل اللي زنا بها ودفنها وكذب على اهلها وسجد لابليس ومات سجد لابليس. طب ده ليه؟ ده عبد ربنا سبعين سنة لانه افتكر انه هيقدر يعبد ربنا لوحده. وافتكر انه هيقدر يوصل لربنا لوحده. جريمة برصيصة انه استغنى عن اخوه. ودي سورة الحشر. سورة الحشر من اسمها - [00:12:59](#)

يحشر المرء مع من احب يبقى انت عايز تبقى في المقامات العليا في الاخرة مش بعملك باللي انت بتحبهم اساسا يبقى شف اصلح الناس وابقى معهم في الدنيا عشان تبقى معهم في الاخرة - [00:13:19](#)

لرأيته خاشعا متصدعا من خشية الله. لو انزلنا هذا القرآن على جبل. لو قلبك صخر لو قلبك حجر المفروض يتصدع وينهار من آيات القرآن معقولة الجبل ارق منك معقولة الجبل هيتأثر بكلام الله اكثر منك الاعجاز التأثيري للقرآن. القرآن يفتت الحجر. طب القرآن هيعمل ايه - [00:13:34](#)

قلبك لو انت فعلا عشت مع كتاب الله سبحانه وتعالى اذا جاءكم المؤمنات مهاجرات فامتحنوهن. الصف الطاهر لازم ما يقبسهاش بالعدد لازم يقبسهاش فعلا ان اللي هيضاف لنا يكون قيمة حقيقية تمتحنوهن - [00:13:58](#)

ولا تمسكوا بعصم الكوافر. القصة مش ان مراتي جميلة. لو زوجتك الجميلة اللي بتحبها اختارت الكفر اختارت انها تعرض عن الله ولا تمسكه بعصم الكوافر اذا جاءك المؤمنات يبائعنك بحب الاية دي اوي يا جماعة. المبايعة ان انا هابيع حياتي لك. هابيع كل شيه لك. يعني المرأة ممكن تبيع لربنا زي ما الراجل - [00:14:20](#)

يبيع النساء شقائق الرجال صورة الممتحنة اصلا على اسم امرأة زي ما سورة المجادلة على اسم امرأة. الجزء التمانية وعشرين اصلا بيتكلم عن النساء كثير جدا وقيمة المرأة دي ام كلثوم بنت عقبة اللي هاجرت لوحدها ووقفت في وش الدنيا كلها عشان تروح للنبي عليه الصلاة والسلام. يبقى المرأة - [00:14:42](#)

ممكن تبيع حياتها لله. فيه صحابيات كثير. باعوا عمرهم لله. بيعي انت كمان لله سبحانه وتعالى كبر مقتا عند الله ان تقولوا ما لا تفعلون. الاية دي نازلة فعبدالله ابن سلام ومجموعة من الصحابة قاعدين يقولوا لو انا نعلم احب الاعمال الى الله. فالنبي نداء -

[00:15:02](#)

فحسبوا بقى ان هيبقى فيه شكر وثناء ده بيقولوا ايه اللي ربنا بيحبه. فاذا بقول الله كبر مقتا. ما تبقاش كلامنج في الدين. الدين

تطبيق احب الاعمال الى الله هو اللي - 00:15:19

عارف الوقت. هو اللي انت عارفاه الوقتي. هو اللي ربنا اداك علم والذين جاهدوا فينا لنهدينهم. قال المفسرون من من جاهد فيما علم رزقه الله هداية ما لم يعلم. يبقى خليه ما تبقاش كلمنجي في الدين ان الله يحب الذين يقاتلون. في سبيله صفا يقاتلونه صفا. اهل

اعمال - 00:15:29

مش اهل كلام ومتوحدين مع بعضهم. فلما زاغوا ازاغ الله قلوبهم زي ما كنا بنزاغ من المدرسة زمان من حصة الفيزياء اللي ما بنحبهاش او الكيميا احيانا العبد يزوغ من تكاليف شرعية ما بحبش الدعوة. ما بحبش قيام الليل يزوغ فيقوم قلبه يزيغ - 00:15:49

قلبه بقى يزوغ بقى من اليقين والايمان والتوحيد. اوعى جوارحك تزوغ من اعمال الدين. عشان قلبك ما يزوغش. في النهاية نختم بالشعار العظيم وتركوك قائما. وتركوك قائما. الله! النبي لما كل الصحابة جروا على القافلة وسابوه. ما انهارش - 00:16:06

مش تركوك يا منار. اية في القوة النفسية. اية في القوة النفسية مش تركوك واقفة. قائمة قائم بامر الله. لو الدنيا كلها اتخلت عنك خليك واقف خليك صامد خليك راجل وتركوك قائما. شعار من سورة المنافقون يحسبون كل صيحة عليهم. اوعى تبقى جبان. الجبان

خايف من كل - 00:16:27

كل حاجة وخايف على كل حاجة وفاكر ان كل مشكلة هتبقى مصيبة وكل كلكوعة ولا ورم طالع هيبقى سرطان وكل مغص هيبقى اه ده فيه حاجة مصيبة ان كل حاجة خطر خليك شجاع. اوعى دي من صفات المنافقين. ذلك يوم التغابن. التغابن تضييع العمر. التغابن

انت - 00:16:47

حاجة غالية اوي وضيعتها بلا بما لا يساوي. طب ايه اللي بيضيع الاعمار حاجتين؟ ما اصاب من مصيبة! الابتلاءات! ان من ازواجكم واولادكم عدوا لكم المحبوبات اكثر حاجتين هيضيعوا عمرك محبوباتك والابتلاءات والمصائب. اوعى الابتلاءات توقفك عن ربنا.

المطب بيخلي العربية تهدي مش بيخليها تقف - 00:17:07

واوعى المحبوبات الدنيوية تشغلك عن ربنا عشان توصل لربنا سبحانه وتعالى. من سورة الطلاق وولاة الاحمال ان المرأة احمالها كثير اوي ارحمها. سورة الطلاق مليانة الفاظ رحمة بالمرأة. عشان كده بعدها ومن يتق الله يجعل له من امره يسرا. هتيسر عليها. ربنا -

00:17:27

هيسر عليك وفي النهاية سورة التحريم قوا انفسكم واهليكم نارا وقودها الناس. انت عايز ابنك لحمه يبقى وقود جهنم؟ انت عايزة بنتك يبقى وقود جهنم ساكتة عليها. وهي دخلت اعدادي وما اتحجبتش لحد دلوقتي ليه - 00:17:47

ساكت عليه وهو بقى في اولى اعدادي وما بيصليش لحد الوقتي ليه؟ قوا انفسكم واهليكم نارا نكرة للتعظيم. وقودها الناس. عشان ما تشوفش احب وحتة من قلبك بيشوى في جهنم قدام عينيك بكرة خاف على ولادك خاف على دين ولادك. انت بتقوم الساعة اتنين

بالليل تقفل الشباك احسن - 00:18:03

الهاوا تجيب لهم برد ومش خايفة عليهم من جهنم ربوا ولادكم. حفزوا ولادكم القرآن. اهتموا بدين ولادكم. اقعدوا مع ولادكم ولو مرة

كل اسبوع تعلموهم حاجة في الدين وفي القرآن - 00:18:23

اهتموا بدين اولادكم عشان ربنا سبحانه وتعالى يدخلكم جميعا الفردوس الاعلى مع بعض. اللهم اجعل القرآن العظيم ربيع قلوبنا ونور

صدورنا وجلاء احزاننا وذهاب همومنا. اللهم امين - 00:18:36